

समे – 12:25

<><><><><><>

President Janjatiya Diwas

राष्ट्रपति द्रौपदी मुर्मू होरें आखेआ ऐ जे देस सेई मायने च उसलै गै विकसित होग जिसलै आदिवासी लोक विकसित होंगन। जनजातीय गौरव दिवस दी पूर्व संजा पर कल संजा राष्ट्र गी संबोधत करदे होई श्रीमती मुर्मू होरें आखेआ जे आदिवासी समुदाय दे लोकें दी तेजिया कन्नै तरक्की बाद्धा करना राष्ट्रीय प्राथमिकता ऐ। राष्ट्रपति होरें गलाया जे राष्ट्र चांहदा ऐ जे आदिवासी समुदाय दी सदिएं परानी पंछान बरकरार रवै ते कन्नै गै ओह अज्जै कलै दे विकास दी बत्तै पर अगड़ा बधदे रौह्न। उनें इस गल्ला पर जोर दित्ता जे मजूदा सरकार आदिवासी विकास ते कल्याण ते कल्याण दी यात्रा गी तेज रफतार कन्नै अगगे बधा'रदी ऐ।

<><><><><><>

PM-Podoland Mahaotsav

प्रधानमंत्री नरेन्द्र मोदी होर अज्ज नमीं दिल्ली च पैहले बोडो लैंड महोत्सव दा शुभारंभ करगंन। दो दिन दे इस महोत्सव दा उद्देश्य बोडो लैंड असम, पच्छिम बंगाल, नेपाल ते पूर्वोत्तर दे अंतर्राष्ट्रीय बन्ने कन्नै लगदे इलाकें च रवा'रदे बोडो लोकें गी किट्ठा करना ऐ। महोत्सव दा विषय ऐ "समृद्ध भारत लेई शांति ते सद्भावना"।

<><><><><><>

CM-President Meet

मुख्यमंत्री उमर अब्दुल्ला होरें कल नमीं दिल्ली राष्ट्रपति भवन च राष्ट्रपति द्रौपदी मुर्मू हुंदे कन्नै मलाटी लाई। राष्ट्रपति हुंदे अधिकारिक एक्स एकाउंट नै दौनें बश्कार लग्गी दी बैठक दी जानकारी दिंदे होई इक पोस्ट सांझी कीती। जम्मू कश्मीर सरकार दे मुख्यमंत्री दे तौरा पर पदभार सांभने परैत मुख्यमंत्री उमर अब्दुल्ला हुंदी एह मलाटी इक महत्वै आली गै ऐ। हाल दे हफ्ते च उमर अब्दुल्ला होरें प्रधानमंत्री नरेन्द्र मोदी, गृहमंत्री अमित शाह, रक्षा मंत्री राजनाथ सिंह ते केन्द्र शिड़क परिवहन मंत्री नितिन गडकरी हुदं सनें बड्डे लीडरें कन्नै

गल्लबात कीती ऐ। कल उनें उपराश्ट्रपति जगदीप धनखड़ हुंदे कन्नै बी मलाटी लाई।
मुख्यमंत्री होर अज्ज वित्त मंत्री निर्मला सीतारमण कन्नै मिलगन।

<><><><><><>

Chief Secretary-SSRB

मुख्य सचिव अटल डुल्लू होरें सेवा चयन भर्ती बोर्ड एसएसआरबी गी निर्देश जारी करदे होई
आखेआ ऐ जे ओ यूटी च भर्ती आली प्रक्रिया च तेजी आनन ते इसी समें बद्ध प्रक्रिया बनान।
बक्ख-बक्ख सरकारी मैहकमे लेई एसएसआरबी आस्सेआ कीते जाने आली भर्ती दे कम्मकाज
दा जायजा लैने लेई कल सामान्य प्रशासन विभाग जीएडी दी इक बैठक च श्री डुल्लू होरें
भर्ती प्रक्रिया दा इक सलाना कलेंडर बनाने लेई आखेआ तां जे मेदवारें गी एहदे बारे च
साफ जानकारी थोई सकै ते ओह अपनी-अपनी तैआरी करी सकन। इस मौके पर
जेकेएसएसआरबी अध्यक्ष इंदु कंवल हचब होरें दस्सेआ जे 2019 थमां बोर्ड नै 22 ज्हार 624
स्लैक्शनां कीतियां न ते होर दुए 874 औहदे लेई ताल दी प्रक्रिया गी खीरी शक्ल दित्ती
जा'रदी ऐ। एहदे इलावा बैठक च इब्बी दस्सेआ गेओ औने आले हफते च 4921 औहदे लेई
मकाबले आले मतेयान करोआए जांगन। एह बी जानकारी दित्ती गई जे बोर्ड कश विज्ञापन
लेई 3299 औहदे उपलब्ध न।

<><><><><><>

JK-Pension Verification

जम्मू कश्मीर सरकारै पेंशन लैने आलें दी आपुं जाइयै वैरीफिकेशन करोआने दी खीरी तरीक
गी 30 नवम्बर 2024 तगर बघाई दित्ता ऐ। इक हुक्मै च खजाना मैहकमे नै इस सरबंदै च
खीरी तरीक बधाने बारे जानकारी दिंदे होई दस्सेआ जे यूटी कुल 2.43 लक्ख पेंशन लैने
आले चा 2.28 पेंशनरें वैरीफिकेशन आली प्रक्रिया गी पूरा करी लैता ऐ। ट्रेजरी दफतरै गी
आखेआ गेआ ऐ जे ओह उनें लोकें दी पेंशन गी रोक़ी देन जेहड़े बघाई गेदी खीरी तरीक
जां ओहदे कोला पैहले वैरीफिकेशन लेई हाजर नेई होंदे।

<><><><><><>

Gurupurb Celebrations

राष्ट्रपति द्रौपदी मुर्मू, उपराष्ट्रपति जगदीप धनखड़ ते प्रधानमंत्री नरेन्द्र मोदी होरें अज्ज गुरु नानक देव जी हुंदे प्रकाश पर्व दियां सब्बने लोकें गी ममारकबाद दित्ती ऐ। अपने सनेह च राष्ट्रपति होरें देश ते विदेश च रवा'रदे सब्बने भारतीय ते चेचा करी सिक्ख समुदाय गी बधाई दित्ती ऐ। उनें गलाया जे गुरु नानक देव जी होरें प्रेम, विश्वास, सच्च ते त्याग उपपर बल दित्ता ते उंदी सिक्खेआ लोकें गी नैतिक—मुल्ले आली बक्खी लेई जंदी ऐ। उपराष्ट्रपति होरें बी अपने सनेह च गलाया जे गुरु नानक देव जी हुंदा जीवन मानवता लेई ज्ञान ते सेवा दा प्रतीक ऐ। प्रधानमंत्री होरें अपने बधाई सनेह च गलाया जे गुरु नानक देवी जी हुंदी सिक्खेआ म्हेशां असेंगी आपसी भाईचारे, प्यार, दया ते मानवता दा जज्बा बनाई रखने लेई दिल बधांदियां रौंहगन।

<><><><><><><><>

JK Gurupurb-Messages

जम्मू कश्मीर दे उपराज्यपाल मनोज सिन्हा ते मुख्मन्त्री उमर अब्दुल्ला होरें बी सब्बने लोकें गी गुरु नानक देव जयंति दी बधाई दित्ती। आकाशवाणी दे जम्मू संवाददाता नै जानकारी दित्ती ऐ जे उपराज्यपाल होरें अपने बधाई सनेह च गलाया जे गुरु नानक देव जी हुंदा जीवन ते सिक्खेआ सब्बने लेई प्रेरणा दा स्त्रोत ऐ ते म्हेशां मानवता दे रस्ते दा मार्गदर्शन करदे रौंहगन। जम्मू कश्मीर दे मुख्मन्त्री उमर अब्दुल्ला होरें बी लोकें गी गुरु नानक देव जयंति दी बधाई दित्ती ऐ। अपने सनेह च मुख्मन्त्री होरें सिक्ख समुदाय गी बधाई दित्ती ते गुरु नानक देव जी हुंदी सिक्खेआ, एकता ते निस्वार्थ सेवा म्हेशां गै सब्बने धर्म दे लोकें लेई प्रेरणा दा स्त्रोत रेइयां न। उनें गलाया जे असेंगी आपसी भाईचारे ते एकता उपपर आधारत समाज दा निर्माण करना लोड़चदा ऐ।

<><><><><><><><>

Kihstwar-Tribal Fest

किश्तवाड़ दा जिला प्रशासन अज्ज ऐतिहासक चौगान मैदान च इक बड़डे जनजातीय मेले दा सरिस्ता करा करदा ऐ। आकाशवाणी दे जम्मू संवाददाता नै दस्सेआ जे एह मेला सुतंत्रता सेनानी बिरसा मुंडा हुंदी जयंति दे उपलक्ष च जनजातीय गौरव दिवस दे तौरा पर मनाया जंदा ऐ। एह धरती आभा जनजातीय ग्राम उम्कर्ष अभियान दा इक हिस्सा ऐ जेहड़ा 15 नवम्बर शा लेइयै 26 नवम्बर तगर चलने आला सूचना, शिक्षा ते संचार दा इक राष्ट्रव्यापी

अभियान ऐ जेह्दा मकसद जनजातीय समुदायें गी समाजी, सियासी माली ते कनूनी हक—हकूकें बारे जागरूक बनाइयै उनेंगी बाइखियात बनाना ऐ। एह् कार्यक्रम मकामी तौरा पर तैआर आदिवासी कलाकृतिएं, हस्तशिल्पें ते कृषि उत्पादें गी दस्सने आले स्टाल होंगन जेह्ड़े इलाके दे आदिवासी समुदायें दे रिवायती कौशलें दी नूठी झलक पेश करगंन। किश्तवाड़ दे डीसी राजेश कुमार शवन होरें किश्तवाड़ ते आले दुआले दे लोकें गी खुल्ला साददा दित्ता ऐ।

<><><><><><>